

國

朝

列

卿

紀

國朝列卿紀卷之六十三

南京工部尚書年表

甄

庸

順天宛平人洪武中舉人才永樂二十二年任宣德二年致仕

王永壽

山西太原人永樂癸卯鄉舉景泰二年任三年致仕

王來

浙江慈谿人宣德丙午鄉舉景泰三年任兼大理寺卿天順元年丁憂後卒於家

王永壽

詳前天順元年再任六年致仕

戴縉

廣東南海人進士成化十九年任本年被劾除爲民

胡拱辰

浙江淳安人進士成化二十年任二十三年致仕卒贈太子少傅諡恭敏

黎淳

湖廣華容人狀元弘治元年任

程宗

直隸常熟人進士弘治元年任二年致仕

劉宣 江西安福人進士弘治三年任四年卒於官諡文懿

侯瓚 北直隸雄縣人進士弘治五年任

馮貫 直隸蠡縣人進士弘治六年任九年致仕

蕭禎 江蘇泰和人進士弘治十三年任以疾致仕

董越 江西寧都人探花弘治十三年任十五年卒於官贈太子少保諡文僖

李孟暘 河南睢州人進士弘治十五年任正德元年致仕

陳清 山東益都人進士正德元年二年致仕

韓重 山西絳州人進士正德二年任四年致仕

俞俊 浙江麗水人進士正德二年任本年卒於官

李善 陝西隴州人進士正德五年任本年以疾罷歸

張

憲

江西德興人進士歷南京禮部尚書致仕正德五年起任本年卒於官

孫

需

江西德興人進士歷南京禮部尚書致仕正德六年再起本部

林廷選

福建長樂人進士正德九年任十年致仕

柴昇

河南內鄉人進士歷南京兵部尚書致仕正德十年起任十一年致仕贈太子少保

黃珂

四川遂寧人進士正德十一年任十四年致仕卒贈太子少保謚簡肅

洪遠

直隸歙縣人進士正德十四年任十五年致仕謚恭靖

叢蘭

山東文登人進士正德十五年任嘉靖元年致仕卒贈太子少保

崔文奎

山東新泰人進士嘉靖二年任四年致仕卒贈太子少保

吳廷舉

廣西梧州守禦千戶所籍蒼梧人進士嘉靖三年任四年致仕

陳雍

浙江餘姚人進士嘉靖四年推本部尚書未任被劾致仕

張

嶺

浙江蕭山人進士嘉靖四年任六年致仕

胡世寧

浙江仁和人進士嘉靖六年任本年改都察院左都御史

高友璣

浙江樂清人進士嘉靖六年任

胡瓚

直隸永平人進士嘉靖七年任八年以失處大同亂軍被劾致仕

章拯

浙江蘭谿人進士嘉靖八年任

何詔

浙江山陰人進士嘉靖八年任十三年致仕卒贈太子少保

蔣瑤

浙江歸安人弘治己未進士嘉靖十四年任

周用

直隸吳江人弘治壬戌進士嘉靖十七年任詳吏部尚書

李如圭

湖廣澧州人弘治己未進士嘉靖十九年任詳戶部尚書

宋景

江西奉新人弘治乙丑進士嘉靖十九年任詳都察院左都御史

胡訓 江西南昌人弘治壬戌進士嘉靖二十三年任詳南京兵部尚書

楊麒 江西上饒人正德辛巳進士嘉靖二十五年任二十七年卒於官

劉訥 河南鄆陵人正德丁丑進士嘉靖二十七年任詳刑部尚書

屠楷 廣西臨桂人嘉靖癸未進士二十八年任詳南京兵部尚書

潘潢 直隸婺源人正德辛巳進士歷戶部尚書嘉靖二十九年調任詳南京兵部尚書

孫應奎 河南衛輝人正德辛巳進士歷戶部尚書嘉靖三十年調任詳南京戶部尚書

彭黷 江西安福人嘉靖癸未進士三十二年任本年繫獄

楊行中 順天通州人嘉靖癸未進士三十二年任詳南京吏部尚書

馬坤 直隸通州人嘉靖癸未進士三十四年任詳戶部尚書

王學益 江西安福人嘉靖己丑進士三十六年推未任歷總理河道都察院右都御史

許恩

直隸上海人嘉靖癸未進士三十七年任計都察院左都御史

王鈐

浙江奉化人嘉靖癸未進士三十九年任四十年致仕贈太子少保謚恭簡

康太和

福建莆田人嘉靖乙未進士四十年任四十二年閒住

林廷機

福建閩縣人嘉靖乙未進士四十二年任改南京禮部

呂光洵

浙江新昌人嘉靖壬辰進士隆慶元年推未任致仕

劉采

湖廣麻城人嘉靖己丑進士隆慶元年任詳南京吏部尚書

魏尚純

河南鈞州人嘉靖壬辰進士隆慶元年任乞致仕

裴宇

山西澤州人嘉靖辛丑進士隆慶元年任改南京禮部尚書

徐養正

廣西馬平人嘉靖辛丑進士隆慶二年推未任

林雲同

福建莆田人嘉靖丙戌進士隆慶三年任四年致仕

曹亨

河南新蔡人嘉靖乙未進士隆慶四年任五年致仕

陳紹儒

廣東南海人嘉靖戊戌進士隆慶五年任六年致仕

張瀚

浙江仁和人嘉靖乙未進士隆慶五年任萬曆元年轉吏部尚書

林爌

福建閩縣人嘉靖丁未進士萬曆元年任

劉光濟

直隸江陰人嘉靖甲辰進士萬曆二年任

劉應節

山東濰縣人嘉靖丁未進士萬曆三年任

沈應時

河南衛人嘉靖庚戌進士萬曆七年任

翁大立

浙江餘姚人嘉靖戊戌進士萬曆四年任

曹三陽

直隸宜興人嘉靖甲辰進士萬曆六年任

徐栻

直隸常熟人嘉靖丁未進士萬曆七年任致仕



凌雲翼

直隸太倉人嘉靖丁未進士萬曆七年任

楊成

直隸無錫人嘉靖丙辰進士萬曆八年任十年改南京禮部尚書

王遴

順天霸州人嘉靖丁未進士萬曆十一年任

畢鏘

直隸石埭人嘉靖甲辰進士萬曆十一年任

劉一儒

湖廣夷陵州人嘉靖己未進士萬曆十一年七月由刑部左侍郎任十二年二月養病

劉光濟

見前萬曆十二年任

陸光祖

浙江平湖人嘉靖丁未進士萬曆十二年陞未任

陰武卿

四川內江人嘉靖丙辰進士萬曆十三年任十五年改南京兵部

吳文華

福建連江人嘉靖丙辰進士萬曆十五年任十六年改南京兵部

李輔

江西進賢人嘉靖己未進士萬曆十六年任十八年卒於官

張孟男

河南中牟人嘉靖乙丑進士萬曆十八年由戶部左侍郎陞任十九年轉戶部尚書

袁貞吉

江西南昌人嘉靖己未進士萬曆十九年三月由南院右都任二十年改南兵

南京工部尙書行實

甄庸字

順天府宛平縣人洪武三十年舉人才授戶部主

事有賢聲革除元年陞松江府知府端謹廉明政平訟簡永樂二年坐累降右軍都督府經歷三年以薦舉擢山西道監察御史出巡廣西地方激揚有體吏畏民懷四年召還陞工部右侍郎本年坐事免官五年復原職十九年定鼎北京尙書扈北命庸掌部事二十一年奉 命成造冬夏衣給賜雲南官民生賂進等六十一人并琉球官生周魯每周弟仍奏准自後依時給賜不待奏請著爲令二十二年陞南京工部尙書宣德元年兼掌兵部事二年致仕庸性凝重言若不出口遇事處之綽有餘

裕故人稱爲篤厚君子云

王永壽字本仁山西太原府太原縣人永樂癸卯鄉舉

正統十年陞工部右侍郎十一年奉命鎮

守湖廣地方凡事務存忠厚崇寬大不毛舉細瑣不爲急切之政十三年召禮部事十四年己巳之變北虜內侵與尙書石璞竭力備器械守城景泰二年冬陞南京工部尙書三年奏言本部辦事監生收放勘合算查人匠票工日月每季用十六人季終輒換以是不行用心難清匠役請如歷事之例三月考覈待取選之日更替從之本年致仕天順元年英宗復辟以其不比景泰用事人名復原職五年冬十一月南京祭酒吳節奏言

太監等倫堂及六堂以至庫君號舍多有頽壞請工修理  
命所司施行永壽會同守備太監 忠等往視度之會計庫廠  
塢窪已無餘積乃行移應天府支給官錢令江寧上元二縣收  
買物料內外守備量撥軍餘直隸廬州府起倩人夫一百名摘  
撥班匠二十名委官提調工部以聞 制曰可以六年致仕卒  
於家

王來字原之其先河南陳畱人因始祖慶元通判葬浙江慈谿  
遂家焉我朝 太祖求賢致治其祖以桓明經學古起爲國子  
監學正召對皆稱旨嘗以老學士呼之宋學士稱爲明白先生  
生四子長尹法爲廣東叅政尹實爲中書舍人尹哲爲石城令

金溪令尹和其父也來天資豪邁聰明絕人金溪邑有五聖祠  
善爲禍福來自負宏達不信邪妄一日持斧往碎像而燬之撤  
其神祠不能爲殃衆驚異因父在金溪日爲武弁所誣奏上  
遣法司訊之當理而遽疾時年幾弱冠辨甚悉事遂白法司奇  
之命賦衡鑑堂詩立就復厚致贈焉補邑庠生宣德改元丙午  
以禮記中浙江鄉試第三仲弟復以詩經同領鄉薦明年會試  
中乙榜弟復登進士來以三月授新建學教諭旣至作新士氣  
啓諸生義理之學多所造就其條教至今傳以爲式先是諸王  
府府祭以郡縣生員充樂舞生來以爲妨學業亟奏罷之以道  
士充焉遂班著爲法宣德四年大比山東聘爲考試官六年制

臣交章舉薦拜江西道監察御史七年巡按姑蘇諸郡首除橫  
斂豪猾屏跡小民安堵民間有喪多惑於陰陽利否或以喪地  
未擇喪儀未備至數年不舉嫁娶亦以財禮相較致男女婚姻  
失時者於是嚴爲禁約婚姻畢舉遂無愆期尋奉 命同侍郎  
周忱考察官吏制詞有請自 上裁之語來曰此 勅宜復奏  
請而貪官污吏當去宜卽去之若稍遲畱民益受弊矣時三楊  
柄國因覽奏曰雄偉之才明達治體如此遂易與之由是貪暴  
望風引去當時考課之公推爲首稱時有巨璫陳武以 太皇  
太后懿旨散經江南於蘇常要索百端勢張甚自巡撫以下皆  
畏之獨爲所抑收其榜與 詔書不合擬劾其矯制之罪中使

哀祈得免及還懇於朝竊日朝罷上問都御史顧佐曰蘇州巡按爲誰佐曰王來上日記之及代還佐引以奏上加獎諭賜食光祿內臺之名益重宣宗章皇帝駕出居庸關簡命侍臣扈從來在扈從因以守邊策進上嘉納焉十年監京鄉試十月詔在廷舉方面少師楊士奇首薦之拜山西左叅政抵任卽禁橫斂寬逋負革濫役戢奸頑清刑獄究民隱居數月宿弊盡去郡邑肅然有再來包侍制之謠正統元年丙辰勅兼總督大同宣府邊儲革舊營充運等奸弊每歲起徵預置糧草稽考循環文簿二扇用布政司印信鈐記發仰州縣掌着令里老連名保選家道殷實行止端方以充運頭每運頭一名收



糧折色三千石或五千石金銀照時價若干布帛土宜之類各  
算如數逐一附簿明白就令部運官吏與同運頭齎赴布政司  
查對相同本司謄對點開差官押赴宣大大同管理邊儲官員  
處明白收庫陸續發與部運官吏運頭就彼就依時價收糴上  
倉僱倩車脚之錢亦准支用若有餘剩之數管理邊儲見數封  
記送回官庫收貯以補貧戶逃民之糧其年通計得餘剩金銀  
布帛之類七萬有奇自是小民免賠償之患邊儲無愆期之憂  
郡邑晏然而逃民復業矣三年提調山西鄉試四年兵部奏  
命清理山西軍政時山西邊儲浩大民力疲困巡按御史孫睿奏  
必得藩臣之廉明有爲者臨之則郡邑有所畏憚庶幾事集而

民安因以名聞。上特勅管理司事兼理邊儲軍政稱職及審重囚遠年滯獄冤情多所平反六年以國初創立預備四鄉倉倉糧廢弛謀諸京營卽以州縣戶口之數爲則計所積之多寡選委府州縣官之廉幹者分任掄才鳩工程蓋倉廩皆不勞民先是倉立於四鄉則移入城郭旣以庫藏贓罰錢帛平糴每歲所積糧有二千四百餘萬山西之民雖遇荒歉皆獲利焉七年巡撫侍郎于謙奏舉自代謂其廉明剛正練達政體宜陞近侍重職以副公論。命未下權貴中擠調廣東左叅政抵政卽禁師巫邪術務崇教化厚彝倫皆約於禮法之中嶺南之地翕然更化按所屬卽將山西轉運邊糧抵數於小戶內減免庶東

南無賠償陳腐之患而轉輸之勞亦少蘇矣九年爲提調官綱  
維防範釐革舊弊而得人爲盛如大學士丘文莊公其所首拔  
也十四年方流民屯聚陳許汝裕等州無慮數十萬操戈相殺  
累歲不息特陞河南左布政使招降之勘其人戶悉令附籍與  
土著之民參錯編爲里甲處於空曠之地任其耕作免其調發  
民以自安時周王以不軌聞朝廷議討之力言其不可請  
自往宣諭因馳入王宮指陳順逆禍福王乃闔宮痛哭隨教以  
上書陳請解護衛則轉禍爲福之機也王從之卒弭其變又見  
四方多事卽繕器講武積粟以爲備時多賴之十四年黃河水  
泛濫衝激田廬且逼近汴城乃乘農隙借倩人丁躬率築堤捍

之兩傍重栽柳樹以爲固汴民至今獲利名曰王公堤九月陞  
都察院右副都御史巡撫湖廣河南提督有司賑恤流民凡軍  
民利病官吏否臧皆得便宜處治時河南軍伍空缺乃籍其丁  
多之家出丁有差號曰機兵精器械嚴武備以耀兵威及聞

京師有警卽親率所統官軍馳赴策應欲斷胡人歸路奉勅以

寇胡宵遁止河南操守地方來撫安軍民自是胡亦不敢近

上遣行人王鑑賁勅獎諭以爾祇事我國家清勤公正茂著才

猷特勅白金二十兩織金文綺二表裏景泰改元陞右都御

史兼大理寺卿奉勅諭以湖廣貴州等處苗賊作耗殺掠官

吏人民已嘗累次命將率師征勦尚未殄絕師老兵疲民不安

業今特命爾卽自河南往彼總督軍務自總叅將以下悉聽爾  
節制受命馳至湖廣沅州考圖定策運謀設法勉諸將以忠義  
以官軍九萬八千分爲五哨三令五申前進辰靖州等處至貴  
州重安江苗王韋同烈聚衆八萬據江拒敵於是分兵連戰大  
破之斬首二千餘級官軍與苗人旗幟雜出賊勢窮蹙奔遁相  
蹈籍溺死者甚衆乘勝長驅擣其巢穴韋同烈與僞師紀歌兒  
走香鑪寨其山壁立千仞根盤三十餘里乃審鄉道築排柵搭  
架楊橋飛樓以全鎗火箭晝夜攻擊又置襄陽砲六座四圍擊  
之裂其崖石絕其糧道賊衆大窘生擒王韋同烈并將官五十  
八人械送京師明正其罪餘黨數萬并東西苗蠻悉撫定之

號令嚴明所過秋毫無犯土官安龍富等爭田聚兵相殺乃曉以二家共本同宗之義以開其良心一曉以彼絕此繼之例以解其宿忿一曉以軍法勦逆撫順之旨以懾服其狂悖之氣由是悔悟謝罪各以牛馬來獻更勞以羊酒衆請勒石爲碑於是乃自屬文立平蠻恩信碑於貴州清平之通衢捷音馳報上大喜悅特遣禮部主事孫茂齋勅獎諭仍賜金帛以示旌賞班師回京上召見便殿慰諭再三勞以羊酒兼賜宴光祿次日謝恩陞南京工部尙書仍兼大理寺卿朝廷大事內外守備及九卿會議惟取決於來條陳時政十二事其目曰敦教化以厚民俗勸農桑以益本業揀冗官以省濫費罷造作以甦

力明賞罰以勸事功崇師道以育人才修武備以振兵威抑  
奔競以勵士行嚴選舉以進賢能選將帥以寧邊鄙增屯田以  
紓民運救荒政以備旱澇先是部中修造等項多無統紀以出  
納經費侈奢無考而所屬緣以爲弊至是皆疏剔洗滌分目列  
件悉 奏釐正之百役靡不就緒遂定爲成規凡南京五府六  
部及各衙門民情軍務必叅酌切當敷析詳明俾上不失體下  
適事宜民皆便之十月 勅理 太廟社稷革去軍民富家交  
通所司收積青綠物料乘機售利培尅於民包攬夫役等項捉  
督工程具臻條理人不告勞而事功以集六年 太廟成復降  
勅書兼賜羊酒仍 命祭告后土之神有 命督修正陽午門悉

任分理各當其才不亟不徐而事功告成天順改元丁母憂終喪成化六年卒於家年七十六歲

戴縉字

■

廣東廣州府南海縣人成化丙戌進士擢

■

道

監察御史心術詭譎性行素不端急於躁進及在臺不持風紀惟趨附權勢以躡攀要而名檢蕩然自丙申中秋逆賊李子龍伏誅後上銳意欲知外事顧近侍太監汪直年小便黠乃命選錦衣官校善刺事者百餘人另置廠於靈濟宮前號西廠以緝事士民凜凜受禍不敢言十三年兵部尚書項忠等首疏其過惡入奏大學士商輅力主之上怒罷廠命汪直回理司設監事縉以九年滿不得陞首媚汪直爲之鷹犬陳言汪所行皆公



不宜革罷汪卽奉命仍舊刺事遂陞縉尚寶司少卿於是大學士商輅等相繼去位縉紳臥不安席而汪益恣肆無忌威擬至尊流毒無窮以致御史馮瓘汪億等不恥效尤亦進言汪所行不惟可爲今日法實可爲萬世法傳聞四方無賢愚貴賤皆唾罵之以縉爲罪魁也十四年汪直薦縉陞都察院右僉都御史十五年又薦陞右副都御史吏部尚書尹旻俱承望汪旨不敢違十七年又薦陞右都御史代王越掌院事在臺中益甘心直黨紀綱掃地十九年以公議不容又南京尚書久不設營陞南京工部尚書在部渙忍希世無所顧恤本年汪直失勢臺諫交劾黜爲民

胡拱辰字共之浙江嚴州府淳安人正統戊午年二十二時浙江鄉試額取四十五名會試額取百人名皆前列廷試中第三甲第三名庚申除直隸徽州府黟縣知縣在官歲餘上無逋租下無爭訟三年上績吏部民持盤費追送境上一無所受及至京吏部尚書王直奏風憲官不得用新進之士例送都察院試職由是耆民管志道輩追思不已爲建去思坊立生祠十年乙丑除福建道御史院長陳鎰風紀最嚴當其意者獨拱辰凡諸擬議與十三道推讞刑名彈奏貴近必經其手戊辰三月丁父憂已巳八月北虜犯邊吏部遣使齎命至家奪情起復馳驛還京虜塵旣息景泰元年庚午欽賜五倫書四書五經各

一部調除江西道自試職至實授凡八年屢上封事皆嘉納之  
是年陞貴州布政司左叅政時大理寺丞王恂巡撫貴州坐委  
分守威清至永寧二十九衛所地方後過安莊衛至白水堡木  
堡乍叛乍服爲患有年犵狫蠻頭目沈時保特穿新裁青紵絲  
道袍挺身出見揚言我管下作惡者衆願得一號令與我去鋪  
束他不如此恐他日不便當乃厲聲叱之曰但斬爾頭籍沒爾  
財產此卽號令無他也沈時保股票口噤不敢仰視堡中軍民  
官爲之乞憐姑釋之還岩過普定以告副總兵都督同知方瑛  
方謂此人吾欲去之久矣遂遣普定衛指揮同知郭貴往擒之  
至則併其妻子處以軍法其患悉息過赤水衛則服女土官奢

貴之悍不復撈掠過畢節衛則平宣慰使隴富之亂道路遂通  
時層臺千戶所在赤水永寧二衛之間城毀於賊無以當要害  
保傷殘復流移顧其地低窪又發瘴不可居遂擇地而城癸酉  
丁嫡母憂丙子復補廣東布政司天順元年丁生母憂庚辰起  
復仍補廣東成化乙酉陞廣西右布政使時地方賊寇猖獗人  
民受害 憲宗皇帝勅廣西都布按三司及巡按監察御史俱  
降作爲事官丙戌五月拱辰以勦賊有功復前職庚寅陞四川  
左布政使壬辰陞南京都察院右副都御史癸巳 勅提督操  
江乙未五月改除南京兵部右侍郎是年十二月改除都察院  
右副都御史總督南京糧儲戊戌三月陞南京都察院左副都

御史甲辰五月陞南京工部尚書丁未年及七十乞歸許之尋  
進榮祿大夫弘治辛酉巡按浙江御史陳銓奏乞 優養廉貧  
大臣 孝宗特令有司月給食米二石歲撥人夫四名應用乙  
丑 詔進光祿大夫且 賜綵幣羊酒問勞丙寅壽九十巡按  
浙江御史車梁以聞 武宗特遣行人齎 勅存問兼賜羊酒  
仍令所司月加食米二石歲加入夫二名應用戊辰卒九十有  
二謚莊懿拱辰歷事 五朝服官四十八年位列八座不遇大  
節慶不衣緋與衣繡非待賓奉先飲食不重先世室廬之在故  
鄉者未嘗增飾尺寸清慎之名傳播中外且常繪畫古聖賢功  
臣像數十幅日掛三幅于金節堂三日一換每日必焚香再拜

而景行先哲之心始終不忘諸子百氏之書涉獵殆盡常校正  
南海神祠嘉忠錄文式學則鐵崖先生古樂府陳剛中詩集又  
常著作雞肋集錦官稿從征稿華封記事山居雜咏亦拙齋詩  
集敬所雜著稿皆行於世

黎淳字大樸湖廣華容縣人天順丁丑舉進士第一弘治元年  
戊申擢南京工部尚書未久尋改南京禮部詳南京禮部

程宗字源伊直隸蘇州府常熟縣人登景泰辛未進士初授刑  
部主事陞員外郎治獄詳慎練有才名時有大臣退休者當

英宗復位之初畏罪自盡怨家誣其子謀殺久不能決法司奏遣  
往訊所誣遂白及天順五年陞吉安府知府素號難治吏書奸

弊百出宗才敏不務苛察每以訟牒自裁獄成特使從笏書之  
奸弊悉去嘗謂徙訟者曰汝能枉是非以欺我耶欲害人適自  
害爾郡人化之訟自息尤篤意學校訓諸生至今郡人論作郡  
者以首稱丁父憂服闋知真定以病未赴吉安之民知之相率  
走闕下乞復任至則改知武昌矣九年擢四川布政司左叅  
政十三年遷陝西右布政使本年轉左布政使所至皆有政績  
民多頌之十四年擢都察院右副都御史治院事尋命巡撫陝  
西適邊境多事偕總兵官率師征洮州西番蒲松等族及往來  
慶陽榆林調度兵食邊境無事十五年丁母憂去十八年服闋  
未上會水邦酋長罕乞法孟養思六與孟密襲罕弄母子累歲

相讐殺雲南守臣奏乞調兵討之。朝議以爲不便宜遣大臣如程某者往諭乃卽其家。賜以璽書而行。被勅旨諭之折其辯說及見曩罕弄復責其擅相攻擊之罪皆頓首服乃具奏始設孟密安撫司以材寨歸木邦不相統攝而西南遂無事矣。朝廷嘉之轉左副都御史加俸一級仍巡撫雲南贊理軍務二十二年召爲刑部右侍郎尋轉左侍郎以尙書缺署掌部事能律以法部中肅然弘治元年以九年考滿拜南京工部尙書加一級休雖老益勤凡工役財用計度精詳無濫費奏言詔書修建一應不急之務悉皆停止國學育賢乃王化首務修理工程已完三分之二若遽停止前功盡棄上命詔舊修理二年致仕



卒於家壽六十七

劉宣字紹和江西吉安府安福縣人生七歲而孤遭家多故能自力於學不隨同輩嬉戲父戍盧龍而沒躬往代之雖在行伍中不廢讀書其志必欲以科第自顯時麻城鄒來學以都御史巡撫其地閱其業大驚待以殊禮景泰庚午應試京闈鄒送之郭外舉酒祝曰汝此行必取解首否則無相見也衆竊笑之是歲故少詹事劉文恭公儼主試得其卷奇之置第一如鄒言明年會試禮部高等遂登進士第改翰林庶吉士壬申授編修丙子修一統志成陞修撰天順甲申憲宗嗣位充經筵講官成化丁亥九載秩滿陞右春坊右諭德修英宗實錄成再陞

右庶子宣在翰林同官多忌之庚寅擢南京太常寺少卿寺事多廢建言十三事內添設各廟寶座冠服定孝陵國子主祭官刻成功臣畫本并查考陪祭官員俱于禮制皆見采納居太常十二年無躁進色丙申丁內艱十八年壬寅服除進本寺卿尋掌國子祭酒事待諸生甚厚而差遣必公考校必明無不悅服琉球國遣子弟就學舉舊制令所司給日用之費他日其子弟奉白金一觔爲束脩力卻之已而復以其半爲奉事聞得旨乃受十九年九月宣以繫籍太學者凡一千七百一十六人而坐班者不過五百八十八人奏請行文原籍清理凡有遇會試之年徑赴禮部已中進士及就副榜者有遇例徑赴吏部告授

雜職及教職者有病故及緣事者有司止催見在復監宣令不  
拘存亡俱造冊開報待朝覲之時齋赴禮部發監查照以後爲  
例 上從其言下禮部遂行之二十一年宣奏言國學損壞已  
甚 上命南京工部舉行丙午陞吏部右侍郎丁未夏旱 命  
祀北嶽鎮弘治戊申 孝廟嗣位再進左侍郎時王端毅爲尚  
書楊文懿爲右侍郎俱清德宿望宣亦剛直不苟同於時凡王  
端毅執奏俱力贊之三年以漸衰求閒拜南京工部尚書至則  
會計出納革絕侵漁未幾財用頓積而推舉屬官以激勸其下  
人人皆率職辛亥卒年六十有七宣少罹貧苦在盧龍時游學  
京師每徒步往返爲寒暑所中輒疾死道上逾時始甦嘗建言

禦虜四事其後有已巳之變果如所料及虜薄京城從裨將守  
備天津多所補益軍中有欲妻以女者皆不從其窮時不苟如  
此惟耿介疾惡是是非非不徇於人尤好面折人過犯晚乃務  
爲優容多知 國朝典故每事能悉舉無遺尚書姚夔爲吏部  
時以慶成宴坐位未定詢及宣爲言舊制至今以爲式至功臣  
世系述其源委歷歷如指掌若山川險易雖遠在數千里外皆  
能指畫不差人皆服其該博平居事母至孝迎養於京每旦趨  
朝必先問安遇一美味必手自奉進兄沒撫其孤女嫁之如已出  
事再從寡嫂及遇族人皆有恩意族有爭訟者開導以理使各  
釋然以去諸子教之甚嚴與正配王淑人必揖而後食居家自

奉至薄食不重味一衣至四十年蓋其儉素又如此讀書務求精熟爲文章必以理勝不喜作新奇語有冲澹集藏於家

侯瓚字奉璋直隸保定府雄縣人景泰甲戌進士授戶部主事天順中陞員外郎成化二年陞鳳翔府知府八年陞山西右叅政十七年陞光祿寺卿二十一年陞都察院右僉都御史巡撫甘肅二十二年歷陞兵部右侍郎本年改南京禮部二十三年轉南京戶部左侍郎掌部事弘治五年陞南京工部尚書歷任未有顯績而朴直坦夷亦無他腸六年陞南京兵部叅贊機務詳南京兵部

馮貫字大用直隸保定府蠡縣人少起田畝十八年始知自奮

於學正統己巳之變士民驚潰失業獨誦讀不廢及領鄉薦入國學貧無膏燭夜每挾冊隨月光晦則燎薪以續明其勤如此登天順甲申進士授監察御史嘗出巡邊關按州縣搜吏弊索民隱貪廉才頑多見褒黜成化中上疏言時事曰慎爵賞恤窮民處流移修兵政廣儲蓄禁盜賊平刑獄息邊患節冗費重憲職數事 上嘉納之及掌三法司事治山西妖民及劾兵部大臣不法事聞者肅然九年進大理寺右寺丞十一年轉左寺丞十二年改通政左叅議十七年進大理右少卿二十一年擢都察院右副都御史二十三年改大理寺卿法律精明而持心仁恕嘗曰大理天下平獄之不平咎在誰執故當奏讞必反覆訊

鞠無憾而後已每廷議叅酌得宜其言多載在條例有司至  
今遵行之嘗應詔舉所知衆稱得人弘治六年拜南京工部  
尚書七年南太常寺奏山川等壇大祀殿坍塌奏行修理貫不  
明白奏停先會守備祭告破土竟棄置不修被太常寺呂憲具  
奏誠信不立欺誑神天九年以疾致仕抵家一月而卒壽六十  
有四

蕭禎字彥祥江西吉安府泰和縣人幼失怙能自奮於學期必  
取科第游學於外族人有隸尺籍於蜀中者往依之學成弟子  
多從受業然益困無所遇倏然西歸舟行峽江偶墮深淵中自  
分必死矣忽若有物扶其足而起適得漂櫓而登岸人異其事

謂後當顯竟以儒士舉於鄉天順甲申遂登進士第成化乙酉授南京刑部貴州司主事己丑陞湖廣司員外郎治獄明決爭訟者一訊輒得其情據律剖斷庭無留獄人皆稱之壬辰擢湖廣按察司僉事分巡一道明決如刑部所至郡縣興舉廢墜尤好獎進人才敦勸民俗不專以簿書爲事俄苗寇竊發詔出兵勦之文武大臣或不相能禎適以事在軍中曰自古未有大臣不和而能成事者況用兵又事之大者乎爲反覆開解大臣感悟寇卒平當紀功有以婦女首級徼功者辨其僞斥之及奏捷加四品俸吉王建國長沙復督功役一時夫匠被人擾害者賴之以安巡按御史累奏上治績辛丑擢本司副使丙午再



擢按察使於是蒞湖廣者歲久治績愈著名益起明年遂遷河南左布政使至則宣上德究民隱尤不肯以公錢曲奉權貴人入以爲難戊申爲孝宗初年會陝西缺大臣巡撫卽陞都察院右副都御史賜勅得以便宜行事陝西當凶荒之餘民初復業加意安輯流移者益至乃內務蓄積外爲備禦兵民晏然西方始無事歲當慮囚得可矜疑者悉置輕典奏上囚多冤枉死又作全命錄以著朝廷欽恤之意然是時一裨帥犯法素有聲勢爲請託者多卒論以律復以平寇功蒙恩有文綺寶鈔之賜辛亥遷南京工部侍郎甲寅改刑部丁巳陞南京工部尙書南京爲舊都凡壇廟宮闕城垣橋道歲久漸圯修治

無虛歲乃計夫匠量財物役用必當未嘗妄勞費權貴人有垂  
時求利者往往無所得每土功告成輒蒙 恩賜以酬其勞而  
三年以老疾致仕禎壯且貴痛念父母不及祿養過塋域輒痛  
哭如初喪叔祖志翁無後塋蕪廢爲修飾而歲祀之居家作敦  
本之堂及置祭田以供合祀祖先之費至於處宗族待故舊必  
歸於厚若其歷官四十年田廬僅足服食不侈於物無所玩好  
稍暇惟讀書賦詩而已亦幾於儉德云

董越字尙矩江西贛州府寧都縣人成化己丑進士及第第二  
授編修十五年轉侍讀甲辰二十年選侍 東宮講讀充經筵  
講官弘治改元遷右庶子兼侍讀 孝宗登極詔使朝鮮宣布

德意却其餽遺有賦以紀其國俗弘治三年預修 憲廟實錄  
成陞太常寺少卿兼侍講學士充日講官六年擢南京禮部右  
侍郎十三年陞南京工部尙書十五年卒贈太師少保謚文僖  
越修眉長身博洽善議論成化末諸執政大臣不相能其門客  
各有所厚獨越出入諸公之門皆得其懽心議者以是少之  
李孟暘字時雍號南崗河南懷慶府睢州人天順壬午中河南  
鄉試遊大學會司成邢公讓被謫率同列上書辯誼聲振於一  
時成化壬辰登進士十年授戶科給事中十四年丁憂十七年  
補前職癸卯盤糧大同值虜寇入邊危甚歸陳邊備十事內陳  
民壯事著爲令甲辰使占城初占城爲安南所侵其王爲安南

所害 朝廷遣使封王之弟齊亞麻勿菴未至而勿菴死其臣  
提婆苔者攘所封印故復遣孟賜封王之次第古來比行上言  
占城險僻安南之構未靖而提婆苔又嘗竊據萬一弗順損中  
國威宜縱其來使傳命古來仍勅安南悔過 上悉從之乙巳  
遙擢本科都給事中留廣中數年卒致古來厓州而定其封弘  
治戊申始歸陳地方五事曰懲舊弊以修軍政設兵備以鎮邊  
方開衙門以散囂聚修城垣以禦寇患通朝報以廣德意多見  
採納尋擢湖廣左叅政常德歉民饑分守其地戢盜賊抑豪橫  
通米商禁藩府之苛革里書之弊用蘇其民庚戌進廣西左布  
政使屬夷獠爲訐而廩食多匱衆口囂然亟遣官糴諸遠而實

之軍餉以給乙卯遷都察院右副都御史提督南京糧儲奏修  
宮廨以便分理所支勦臣祿米以省轉輸戊午轉南京戶部右  
侍郎改北庚申轉左壬戌晉拜南京工部尚書中官以宮殿傾  
圯欲修之孟賜徐曰萬世不拔之基已有定所修此何爲議乃  
塞南畿織造多取資葦課歲久爲勢家所侵乃清查之於是課  
增用足而民不擾言者又以災傷欲併葦課蠲之力言以爲葦  
洲人所爭徇其利可知苟蠲其課而國用不足則將加派於民  
是損本實而益浮蠹也卒尼之雖掇怨不惜正德丙寅乞致其  
事疏三上而後獲允有清慎老成之褒 錫誥給驛月廩歲隸  
恩數甚優自後權奸用事士夫保全者鮮人賢其知幾已已卒享

年七十有八性坦易襟度恢宏已之善不吝於人人之善若有  
諸已書所著有南崗吟稿三卷奏議一卷睢州誌一卷存於家

陳清字

山東青州府益都縣人天順甲申進士

弘治十一年陞都察院右副都御史撫治鄖陽地  
方十四年陞戶部右侍郎總督倉場正德元年陞南京工部尚  
書二年致仕

韓重字

山西平陽府絳州人成化戊戌進士授禮科給事

中二十二年陞禮科都給事中弘治三年陞陝西右叅政九年  
陞陝西右布政使十一年陞應天府尹十二年丁憂十四年補  
順天府尹本年陞都察院左副都御史巡撫遼東十五年改撫

湖廣地方十八年陞南京兵部右侍郎正德二年改兵部右侍郎本年陞南京工部尚書四年致仕卒於家壽六十九

俞俊字尚賢其先江西撫州人始祖璉宦遊浙江處州麗水因家焉成化壬辰舉進士癸巳拜湖廣江陵尹歲巳亥當道以六事克脩四民仰德薦擢陝西道監察御史初監督蘆溝木稅明年巡光祿寺又明年巡通州成化十七年五月守制服闋乙巳復除湖廣道御史奉 勅盤查湖廣邊儲風裁凜然 孝宗臨御之元年簡命巡按四川歲值大荒所活人三十五萬四千餘辛亥陞貴州按察司副使整飭威清兵備弘治六年銅鼓魚嘴狄黨卜伍管迎等聚苗賊生發肆行劫掠奉 勅領兵五萬勦

平陞一級本年八月陞江西右叅政守制起復戊午補福建左叅政辛酉陞山東右布政使癸亥陞山西左布政巡撫按交章薦之十八年陞順天府尹在任謙和不伐事尚平易正德元年陞南京工部右侍郎二年改工部三年戊辰三月奉勅督修上林苑海子行殿橋梁房屋四月奉勅提督添蓋通州倉廩四年轉左五年五月奉勅於京城內永昌寺舊地買闕添蓋倉廩完備武宗賜以紵絲襲衣及御製詩書六月陞南京工部尚書奉勅馳驛清查本部錢糧以年老求休致奏未下而疾已革年七十有一

李善字宗元陝西鳳翔府隴州人舉成化丁酉鄉試明年戊戌



舉進士授行人司行人出使 慶府王以金幣贐不受行人三  
年選爲南京廣西道監察御史是時大監梁芳陳某怙寵市權  
而南京太監郭鏞亦橫擅入後湖乃與同官繆樗等上疏極言  
雖不報然三人者寵由是衰矣尋出清理江北諸郡尺籍刮弊  
剔蠹以影射出者八百人有奇弘治戊申以父喪歸終制改浙  
江道巡按遼東是時總兵官羅雄偷安弛備大監韋郎縱其舍  
人侵漁軍餉奪人妻孥聞善至卽懼不敢復爲都督王鏜孫貴  
皆以不職劾罷傳玄者逆旅舍主人也嘗主貨郎李林林不知  
所往林子訟玄殺林有司抵玄死獄成然林實向沽酒婦所飲  
醉婦與奸夫謀殺林死利其財善廉得其情玄以不死及代歸

而壽寧侯張鶴齡方負勢莫敢誰何族子舍人下上運河沮擾  
貨易拷掠無辜謫怨載途至是有訟者善曰教授侯門之鈴束  
弗嚴故至此矣於是叅其教授姚倫就問教授懼走匿侯所不  
出於是劾侯出教授就問乃侯家以罪發戍者若干人京師遠  
邇譁然皆知有李御史也然侯實不堪復求疵撫拾善訴之

天子震怒欲置於理是時在司禮監若陳寬一二人皆識體苦爲  
諫止無事吏部見若此恐終不免遂擬陞河南按察司僉事去  
而都指揮李賢者守備崇盧濫受民詞納賄無厭會善分巡河  
南道乃劾罷去是時河決張湫都御史劉大夏與大監平江伯  
偕來督脩乃求綜理其事者藩臬以善應善爲相度水勢開修

賈魯河四十八里改河南注築塞黃陵缺口百十餘丈斷水束  
流功垂成復決僅以身免乃更脩數月功乃成 詔陞俸一級  
未幾太孺人卒乃歸十一年復除湖廣分巡荆襄間多妖孽扇  
亂者至是有何淮者與其徒五百人僭號稱王攻陷城池劫掠  
鄉聚居民大驚恐不可撲滅呂高者襄陽衛指揮也善捕賊乃  
以委高而身自微服出入賊窖中覘賊以計擒獲之事平 詔  
陞俸一級其後王景陽者亦荆襄人以左道惑衆其黨熊彥和  
以子妻兩人皆稱王謀入襄陽內亂未發而善覘知之亟遣呂  
高往捕得彥和等及其妖書解京師其脅從者五百人有姓名  
籍記焚其籍不問十三年擢山東按察使司副使兵備臨清

日報錦衣衛千戶劉海與一校尉同乘舟至聲勢甚大見而疑之執劉海下拷問對曰我京師人曾貴也校尉僕曾喜耳曰劉海詐也聞者咸以爲神十七年擢山西按察使是時晉王寵宦者門副劉茂倚以爲奸凡府中金貨輒匿衆無敢言茂與府中人李成有隙詐以王命逼成幾死成訴之巡按下問於是捕劉茂茂急附王王爲之請不從竟捕劉茂瘐死其後劉瑾用事欲爲茂復讐然自防甚密竟亦不能害也正德丙寅擢四川右布政使未幾轉左四川番夷久肆標掠百姓患苦之巡撫都御史鎮守太監具奏出師征之乃請於鎮巡曰當用兵幾何曰非十萬人不可善曰民力殫矣番未平而內變作矣非計之得者

曰崇已奏請奈何善曰征未晚也番聞我師至必懼不若因而  
移檄宣布 朝廷威德讐服其心從而撫降之亦萬全之策也  
於是檄番果降誓死願爲良民而不敢復叛捷聞 賜襲衣白  
金三年拜南京都察院右副都御史會同吏部考察南京庶官  
甚平乃自引乞休不許慰留之本年轉南京刑部右侍郎會尙  
書缺員獨理部事獄死囚三人將行刑善以未經覆奏止之明  
日郎報至三人者移江西巡按御史勘問衆皆歎服庚午陞南  
京工部尙書以冬官大司空職掌邦土居四民時地利位高任  
重不可但已會修 孝陵及懿文諸寢殿皆會計甚悉未久疾  
作罷歸卒已 世廟卽位覃恩臣下於是有司問勞具羊酒綵

國朝文獻卷之二十三  
整尋又奉 詔進階光祿大夫卒年八十有二

張憲字廷式別號省菴江西饒州府德興縣人成化壬辰登進士第觀政刑部卽留意法比部長皆賢之十七年會吏部選科道偶遺之衆皆疑愕尋乃授考功主事蓋尙書尹恭簡公旻知其所養醇正而欲畱自助也十八年陞考功司員外郎二十年陞稽勳司郎中二十三年改考功郎中凡十有四年廉慎公勤如一日甄別流品必先志行過士夫之賢者輒以人才訪之有所聞籍記惟謹課覈之際以叅黜陟其人可用卽疎遠不相識必陰薦之考功以地望例遷卿佐鮮外補者弘治二年憲資既深尙書王端毅公恕探所欲答曰懼官之弗稱焉耳矣內外之

敢釋乎三年遂陞山東左叅政行部所至興廢興釋究弊孜孜  
政務宗聖公墓在嘉祥蕪穢弗治歎曰事有似緩而實急者此  
類是也命有司亟爲修築併葺其祠東土僻遠學政頗不修於  
督餼之暇時卽費舍爲諸生講說其好以經術緣飾又如此六  
年陞浙江布政使鎮守中官縱左右虐民而攫其財乃廉其人  
置於理岳武穆祠在西湖故有祭田二頃爲勢家所據檢覈界  
祠又訪其苗裔使占籍倚郭得食其租入以世其蒸嘗交承庫  
藏主吏報羨銀若干欲以動憲歎曰杭人方苦匱貢以此助之  
豈非一分之賜乎吾弗能竊取爲自殖計也仍封識貯之十年  
陞順天府尹事雖旁午處之裕如屢請寬恤畿民以培植根本

旱則竭誠致禱雨輒應期久之望輒權豪德孚士庶考最賜  
詔有剗除奸黨扶植善良之褒十四年陞工部右侍郎總理易  
州山廠統郡八役民數萬趨走之吏自郡倖而下餘百員故爲  
奸利囊橐憲曰近賦易汙吾其可弗慎哉總理用公差例日廩  
五升省八郡常供之餽簿書有關防以杜緣絕之欺柴夫納銀  
得痛損加耗之數於是宿蠹十去七八而積欠日漸以完十八  
年還蒞部事會武宗卽位諸邊告急戶部言足邊賴鹽課而  
其法久壞請遣重臣釐正之遂兼都察院左僉都御史以行親  
歷諸場災瘴無所避適三品九年考滿陞右都御史仍督其事  
事將就緒正德二年賊瑾專政議革巡撫名還以瑾勢徘徊於



道久之三年始得蒞院事會審錄重囚本內寫劉瑾傳奉字多  
瑾怒罵憲同左都屠蒲率十三道謝罪御史跪堦下瑾數其罪  
斥責憲滿忍受之不敢聲四年復改南京都察院本年陞南京  
禮部尚書瑾終惡不已附甫月餘內批致仕五年瑾誅最先  
召用改南京工部六年卒於位年六十有六

孫需字孚吉江西德興縣人成化壬辰進士正德初年任南京  
禮部尚書時迎瑾專柄矯旨令致仕歸庚午瑾敗復用薦爲  
南京工部尚書務釐宿弊不欲以浮冗多耗民財先是諸營建  
給領料價率匠魁專之蒞部事者或與爲市故羣匠無所得而  
工不可速完需仍令匠魁及羣匠同領而均分之稱便如一口

出歲省冗費萬金癸酉冬改南京刑部尚書詳南京吏部

林廷選字舜舉福建福州府長樂縣人成化辛丑進士擢監察

御史累官

布政正德四年陞南京大理寺卿本年陞總督

兩廣右都御史九年陞南京工部尚書十年致仕

柴昇字公照河南南陽府內鄉縣人幼知嗜學十五補郡庠生

歆粥讀書寒暑靡廢常受知郡守段堅成化丁酉舉於鄉不第

游太學力學十年益肆以篤丁未始舉進士是年選擢工科歷

左右給事中特爲孝廟眷注調兵科歷十有三年在諫垣卽

以死直爲心謂官祿非夙志也弘治庚戌尋見東井請詔求

言首疏才有五事急切時弊上首爲嘉納辛亥圻民山東河

南水旱流移

詔亟求時政得失疏行四事甲寅工部營造

皇親府第人心怨詛劾之疏畱中明日宣 詔面諭片言霽威

詔用以寢乙卯四川番僧領真占竹貢緣行取中外騷動禮部劾  
科道又劾 上不之聽乃徐草一疏反覆千萬言欲恤人言杜  
無益 上讀之大悟其果欺罔也 詔用中止天下誦之丁巳

丁內艱庚申起復掌兵科適大同虜逼平江伯陳銳將兵百萬  
老師玩寇蠶食日費中外相視無敢言者奮筆舉劾衆色懼明  
日奉 詔取回褊裨以下各置以法邊境用清他如革盡工止  
僧度定柴夫至今著爲令辛酉陞山東叅政本 勅督糧巡歷  
所至查革奸弊興學勸農賊吏望風引去水旱租稅已經奏復

而戶部邊警檄徵昇部運至京米麥草束原價糴留不足部檄增若干又徵解京又不足巡撫檄借官庫銀各又增若干又不足具論民無餘力可以再徵庫無餘財可以再借論入得暫收原價宣府龍門喜峯古北口諸倉亦各被區處官吏稱便乙丑陞廣東右布政使革缺官皂隸銀貯之公庫稽其出入人服其廉時十三村賊與良善雜處議難進兵撫鎮授之乃設法招諭俘獲罔寃貨財婦女罔載捷聞 賜銀牌紵絲衣二襲正德丙寅陞山東左布政使舟還荆襄官司盛備夫騎至乃行李蕭然途人興歎丁卯陞右副都御史巡撫江西會革改陝西振肅憲度聞者凜凜已而陝西時革總制三邊率聽制於昇令行禁止

終任雖解舍器物一以給官三年改吏部右侍郎四年轉左副  
冢宰正百官均四海正已而已自劾求去奉 旨慰畱庚午冢

宰逮繫攝部事以傷國體壞選法者督屬擲撫手自省閱議請  
釐正法比畫一五年陞南京禮部尙書六年改兵部勅叅贊機  
務議陳兩都形勝粵自 祖宗朝迄今百數十年設官遠有意  
義奈何承平旣久百度寢衰加以內府冗員四方饑盜歷數漢  
唐兩季往迹要以救時獎收人心爲急務條十有三事率祛逆  
瑾餘孽具見施行自是不悅者滋衆繼以賊勢猖獗疏保國之  
策 上遂以守備事悉委之竭心力會選官軍分布據守盜隨  
以息坐是病目乞休得 旨褒畱壬申外艱繳勅奔喪中途及

南京戒嚴僉議以奪情例檄差官遮留乃謂奪情其令典耶就檄答之東歸乙亥吏部以南京工部起辭弗允九月固辭乃奉俞旨優以月廩歲隸乘傳還鄉杜門謝客構亭後圃書詠其中居常稽古課子崇正黜浮究心世務雖細靡遺暇則招舊傳觴澹於勢利非公事不入城府門逕蓬蒿干請絕迹昏喪不舉力爲之助四方名賢至必造廬不談沉浮者八載輿論歸高世廟入繼大統郊迓寵顧未幾詔起不果屢用言官論薦以幣醢存問卒贈加太子少保壽六十八

黃珂字

四川潼川州遂寧縣人成化甲辰進士二十一年

授龍陽縣知縣弘治二年才憂六年起復擢陝西道監察御史

十七年陞山東副使正德三年陞山西按察使四年陞都察院右僉都御史巡撫延綏六年陞戶部右侍郎總督倉儲七年改刑部右侍郎本年陞刑部左侍郎九年改兵部左侍郎本年六月陞南院右都御史十一年九月陞南京工部尚書十四年致仕卒贈太子少保謚簡肅

洪遠字克毅號弘齋直隸徽州府歙縣人成化甲午錄於鄉戊戌登進士授莆田知縣莆爲劇邑多勢家前尹爲請托所累公下車卽於廳事後置鼓士夫至坐未定連擊鼓者三羣吏雁鶩行進平立睨請托者屏息不得出一語時郡胥種種需索痛加裁抑革宿弊殆盡莆地濱海海賊時發巡海憲臣懼損兵失機

論乃僉民壯以代之公力言不可事乃寢久旱盡誠祈禱澍雨  
輒應蒞政將期月政聲四溢莆人歌之聞汪夫人喪卽日解官  
就道郡守知其清貧爲給路費士民攀送擁道不得行至有計  
公釋服之期預保再任者甲辰卽吉改知濬縣值歲饑極力賑  
濟全活甚衆踰二載丁父憂弘治庚戌卽吉改知交河縣其惠  
政如莆如濬甲寅召拜南京福建道監察御史數言事如抑異  
端以守成命弭人怨以全貴戚辯邪正以定國是勤修省以回  
天變不一而足事干權幸人所不敢言者公獨言之一時稱真  
御史尙書倪公岳在南京吏部素知公甫轉北卽以公名聞擢  
浙江僉憲時弘治庚申也公歷巡五道搏擊豪強安輯良善



得憲體壬戌兩浙大饑公分賑嘉湖倣富弼青州救荒法朱子  
浙東荒政叅酌行之二郡獨無流殍時王公璟以都憲巡視疏  
其事於 朝有花紅羊酒之賜甲子陞本司憲副奉 勅巡視  
海道嚴私船入海之禁練卒備寇海上晏然憲使久缺握篆幾  
一年諸道肅清正德丁卯有 詔裁方岳之續設者遂以原官  
調湖廣分巡湖南二道時侍郎韓公福奉 勅督逋負韓附權  
貴以幹辦取容操切嚴急民不忍累公輸者恐後韓亦驚服侍  
郎畢公亨奉 命賑饑分道任事獨委公以全楚之半事畢畢  
公與巡按鄭君宣竝聞於 朝已巳陞廣西按察使廣西古百  
粵地郡縣多土官難於朝會凡 奏行文移有牽制十數年不

結者公嚴立程限於是無敢後者庚午陞四川右布政使至則  
節冗費廣儲蓄適羣盜充斥軍務倥偬左轄缺握篆應酬整暇  
所積羨銀八千餘緡悉用以給軍興辛未冬陞陝西左布政使  
適三邊有警調度不乏卒賴以濟總制張公泰具實以聞并  
有寧夏巡撫之舉在陝亦積有羨餘二千緡吏以堂食應得告  
公不可籍記而貯之庫一毫不以私閭五月陞都察院右副都  
御史奉勅巡撫雲南黜貪獎廉不數月而六詔肅然舊有十  
八寨者夷人所據不時入寇至則服公威德皆出降衆欲乘機  
擊之擣其巢穴以邀功賞公以殺降爲不信置無辜於死地爲  
不仁掩其無備而襲之爲不武衆皆服公所處十八寨亦自是

不復反矣境有銀礦開則攘奪竝起祕之三載終公之去繼者  
弗禁遂致繹騷鎮守中貴誅求太甚民不堪命公數抑之中貴  
屢欲中傷索公無可得乃已甲戌改南京大理寺卿於獄情深  
求者多所平反廷中稱平乙亥冬轉南京都察院右都御史公  
正直忠厚務持大體爲僚屬倡諸言事者皆切時弊愜人心以  
詆訐爲戒御史林君有年諫取活佛忤 旨逮赴 詔獄桎梏  
無以爲資公助之月俸復率臺中上疏救之已卯春二月三載  
考績途聞轉南京工部尚書徑至 闕下且謝且辭甚懇切  
御批有清譽素著之褒不之允不得已於六月十二日蒞任越三  
日卽遣人復乞休致適江西平變南都起兵備禦凡軍旅器械

悉取之工部時公以疾作冠強視事勞瘁日甚遂至大漸七月  
廿有四日終於官舍享年七十歷事三朝宦途四十餘年居  
官三事始終不渝愛君憂國之心老而彌篤當逆瑾用事附  
勢者立登顯要公安於義命驅馳遠方而處之裕如平生律已  
甚嚴自筮仕以來未嘗掛言者一壘時論高之

叢蘭字廷秀山東登州府文登縣人弘治庚戌進士明年除戶  
科給事中巡光祿寺見有司飾皇壇供器疏崇尚異教爲先  
朝遺弊當亟罷尋以外艱歸八年終喪復職巡房山諸草場蒞  
內庫出納多所釐正時災異疊見上言消變當從實行今日之  
務在惜人才慎舉錯恤畿民撫邊戍警怠玩杜貪殘元惡如中

官江直輩之陰圖復用奸貪如侍郎林鳳輩之未見罷黜左道如太常卿崔志端之紊亂舊章皆宜懲處以順上天遏惡之命尋陞兵科右給事中內降以署都指揮吳安爲都督及邊將姚信以失機獲宥皆極論之大閱京營與司馬馬文升同心協議務祛宿蠹蓋在科十餘年遇事必言言必盡中中官何文鼎以直言得罪又嘗合臺諫救之至於忤旨下獄而其志未嘗少挫焉十四年陞通政使司右叅議會災異求言又偕同官疏時事列上明年轉左叅議適北邊有警經略紫荆等關塞溪隧可通胡騎者數百處復於浮圖峪夾岸創起敵樓增戍兵易將領諸所籌慮皆百年固守計邊人賴之十八年以內艱歸後三年

終喪還 朝蓋正德戊辰歲也其秋陞右通政庚午之春逆瑾請遣官規畫邊務兼督糧儲清屯田抽退軍丁檄得延綏至川寧夏之變作矣延綏人竊議洶洶比入境鎮之以靜衆乃少安時方覈邊功賞不時下文武官以罰米賠糧繫獄久不克完其謫戍除名沒產者多出鍛鍊考察之令一歲至再三舉行邊民以催徵逋負逼迫外竄將家由武舉進者分隸各鎮類愁寂不能聊生偵事之卒紛紜四出所過莫不危懼蘭以爲此數事皆人心所甚不便宜速改而不容緩者疏至 詔悉行之瑾銜甚弗已欲中以禍蘭處之如平時數月瑾誅陞通政司使旬未浹以三邊告乏陞戶部右侍郎兼都察院左僉都御史奉 勅督

寧夏等處糧儲值歲旱禱於羣望鞫寃繫釋之三邊皆雨先引  
開中鹽引利皆歸於權右及來無敢私謁商通而事乃濟諸有  
補於邊儲者皆一一條上行之是年夏又奉 勅兼管固靜等  
處軍務聞山東河南郡盜猖獗念內地齊民猝遇兵變必不勝  
供億之苦亟疏於 朝請別處軍餉以紓民急會廷議亦念中  
都地重兵荒相仍亟召巡撫廬鳳滁和并以賑濟委之七年春  
至鳳陽賊已壓境督率吏士防遏緣河諸渡口警報至卽躬擐  
甲胄身先士卒奔走邀擊俘斬二千餘人溺而死者數萬賑濟  
所全活者又十二萬六千八百餘口撫釋脅從男婦幾六百人  
事聞 賜勅獎勵賚以金帛秋九月師還老稚攀畱滿車下爲

立生祠還 朝論功又陞俸一級廕一子爲太學諸生加賜金

帛羊酒宴於禮部八年又以虜警奉 勅巡撫西路諸關兼督

宣大軍餉九年春陞右都御史總制宣大并山西偏頭寧武雁

門等關軍務再辭不允乃行至邊相地設險令內地居民各築

堡入保亦如塞下賊嘗一再深入闡自駐陽和以當其衝分部

諸將十七人伏兵要害遣諜者往來傳報或犄或角賊乃遁我

兵又據險邀之斬獲百有餘級虜酋傷右臂而馳捷聞 賜勅

獎勵然坐與監軍不合其功竟爲所攘十年閏四月自軍中還

命總督漕運兼巡撫鳳陽諸郡蒐剔宿弊改立條約著漕運錄行

於時權右以私貸訴償皆置不問則相與毀之遂罷督漕運專



理巡撫值歲饑民多荒亡上奏截漕粟數萬石益以倉儲賑之  
所全活者視昔加兩倍有奇水漕主事王鑾以抗直忤中貴史  
宣逮繫詔獄上疏宣不法鑾當亟釋中官劉允以迎佛使烏  
思藏所過誅求百計勢張甚乃預檄有司毋循所欲至淮入謁  
辭之遂疏斥佛老無益乞還允勿遣高牆庶人有逸而出者又  
乞併釋其無罪者以篤親親守備丘德以貪虐擾人特禁之德  
爲少戢十四年逆濠變起率兵禦之江擒僞謀百數武宗之  
南狩也至境上見蘭猶記其前任總制時過桑乾墮水事屢形  
顧問上供例有宴多侈費求媚者蘭惟金酒卮一事餘皆磁漆  
進獻物視他郡僅十一二逆彬數有讒言竟亦無他十五年以

六年考滿進階資德大夫勳正治上卿其冬陞南京工部尚書  
聞報卽乞歸展掃已決退休之計矣明年 世廟繼統方任耆  
舊三疏請老不允冬以濠平復陞俸一級嘉靖元年屢疏乃允  
且用月廩歲夫之給士論高之踰年不起卒年六十有八器度  
閎偉才識英敏所學期於經世而言論足以發之自筮仕以來  
屢將使指經營四方未嘗以艱險避而孝悌篤於家庭信義孚  
於交友儉約廉慎終始不易又人所難及者

崔文奎字應宿山東濟南府新泰縣人登成化甲辰進士明年  
乙巳授刑部主事弘治三年庚戌陞員外郎四年辛亥陞郎中  
十一年戊午陞河南按察副使十七年甲子陞山西布政司叅

政丁內外舉至正德庚午再除河南是年秋陞左布政使壬申  
陞南院副都御史總督糧儲乙亥陞工部右侍郎嘉靖二年陞  
南院右都御史遂晉南京工部尚書明年甲申引年致仕蓋七  
十有六奎自部曹至端揆清潔恪厚精完神壯蒞事勤敏施設  
舉措至慎而寬麤衣菲食一切安於儉陋弘治初安福劉遜敢  
摧強家而析橫藩知武崗州減 岷府祿米爲所搆惡時以郎  
中奉 旨往勘知州左秩而祿米亦削白遜無罪且司刑久事  
來一鞠而得遇疑獄卽立辨結審則從寬律嘗出俸貲買檜植  
庭中囚候訊者免夏日之酷在副使出巡部求民所利病爲之  
罷興封丘田爲河壞者三萬畝六十年已民猶賄租上奏除之

牟田惡惟邑南萬畝肥然北阻城三面阻陵阜歲漭水民取蓮  
暨魚供稅乃相田南有缺口乃利之水得入河田乃歲有秋又  
鑿城爲孔二置鐵窻泄水城中亦免沮洳云湯陰常璽收官銀  
奴竊八十兩以逃璽坐償無從辦在繫歷年妻乞以食乃謂知  
縣曰吾無能生此囚必也得藏錢乎卽有以掘地得錢者相毆  
傷來訴奎治罪遂白上官以錢贖璽而釋之溫縣知縣盜庫金  
有與援歸盜於高黑哥黑哥庫子也亦繫累年家人被累死奎  
在布政命縣釋黑哥止以追銀完帖上之省而節取餘銀代輸  
其用意宛轉以情傳律類此往年闔省大戶告事竣布政追餘  
銀又罰紙名咨者蓋上楮也奎不然吏告紙乏乃取舊冊覆之

爲藥惟上之憲公者乃用容什省七之費辛未薊寇亂河南守  
臣議閩省催軍費奎謂非計止發省帑之羨明年上出內帑  
十萬金賊平猶以餘銀還京師奎旣廉約精於吏事詳於計算  
吏書無以售奸日夕惟思其遷去而不怨其嚴在山西太原舊  
配雲南者數百人有旨改內地而籍未除有司猶解補凡往皆  
無生還者奎自憲臣移文雲南憲臣同奏去其籍在督糧改  
草廠於琵琶山旣在城中又附倉緩急易相濟然琵琶山久據於權  
人獨犯怒取之在大司空作器用廠在玄津西旣可嚴防且無  
褻上供又奏免造海船具數者奎旣退十年是爲甲午十有  
一月九日卒享年八十有四

吳廷舉字獻臣湖廣武昌府嘉魚縣人洪武中其祖成廣西梧州遂隸戍籍成化癸卯年十九舉於鄉丁未舉進士授廣東順德知縣潔已如水視民如子減賦息訟乃刻家禮以道民邑有宿盜久莫治至立執之部御史屠濬檄至督府與之言甚溫答曰廷舉越境奔命宜有地方重事請發令時順德權璫屠欲爲修家廟答曰守土官非奉舊例新恩一夫不敢役分金不敢用遂辭出屠令他邑成之市舶太監給銀買葛卽用之買二疋曰奉此爲式如不中意請還金且葛雷產也太監怒取金去御史汪宗器惡廷舉乃曰彼專抗上官市已能何也會廷舉壞淫祠觀寺以其材作土堤書院賢館及修學宮御史按而會其植竹

木碎屑俱列斤兩鄉大夫二子犯盜竝論死廷舉生其少子標其戶曰盜後少子改行乃泣懇曰公念先人廉直故存後今盜其門大爲先人辱請就死乃爲撤之御史卽捕盜令自首賂知縣乃毀門表不卽理前事盜曰盜死分也不敢誣廉令加以嚴刑不易口是時廷舉囚服桎手日詣訟所分析所費無私盜狀上御史大慚命釋之弘治丙辰屠入爲吏部尙書遷廷舉成都同知一年以憂回起復改松江上疏請軍政二事廣東盜起馬端肅劉忠宣薦陞兵備僉事征十三村池水諸洞盜平之改兼鹽法正德己巳逆瑾方用事令各省庫藏悉輸京額外索取以爲當出於鹽廷舉力拒之疏請乞畱備兩廣兵興之費瑾銜其

及鎮守恣橫廷舉劾大監潘忠二十罪具奏有旨取省帑解京  
皆非正費曰貢進內也曰司禮打點錢賂劉瑾也又疏便宜事  
忠亦誣列廷舉罪鞫之無狀止以枉道回械首吏部前主事宿  
建輩謀揀之天官張綵取閱其諸藁心賞其能言於瑾凡械首  
十二日放雁門充軍再月赦爲民五年瑾誅直其誣晉雲南副  
使未行陞江西叅政討姚源賊用兵已歷年總制臣數易官顧  
其私兵不協力費以萬計廷舉雅多智略勇不避難及逢盤錯  
益喜截決前已數用勝兵茲則設奇取捷不用甲冑出入輕脫  
諭責解散反爲賊得奉之入巢窟耀威劫廷舉求撫廷舉如  
前責諭詞色亡撓久之賊中要領因用其巨力而譴微輕



者許以利令其僕妻賊女遂執其酋延舉亦出一鼓平之疏立  
萬年縣民懷至今晉廣東右布政使立番舶進貢交易之法定  
均平驛遞之役弊更惠除矣嶺西猺獞作亂命兼兵備副使經  
略十二年湖南饑命以副都御史賑濟勅勘永順保靖兩江  
口夷情堅相約束條奏武廟還京命往湖廣定諸夷地界又  
疏六事陰備寧濠之變當遣不用濠反君子曰用吳公曲突之  
謀無患矣濠嘗遣使遺天官陸完金簡曰宜急易孫燧代之者  
某某俱可吳廷舉切勿令其來濠敗邇者獲之十六年召爲工  
部右侍郎尋改兵部右侍郎上疏犯輔臣改南工部嘉靖二年  
又改南京戶部本年遷右都御史理南畿折豪強植貧弱禁私

驛止妄供廷舉長身而瘠面如削爪敝衣帶穿不修藻飾神采  
英毅志誠雄偉言行必自信人鮮能奪之視財利如糞土妻子  
冒饑寒而施予不較有無三年進南京工部尚書四年疏歸歸  
二年卒所居湫隘門巷不容雞飛無郭外田丘墓之寄十餘畝  
卒之日無衣以斂無棺以殯都御史姚鏌爲營辦靖州土官持  
金來謝德却不受及是各來吊哭平生篤友誼見良士身下之  
忘其人已在大學南城羅玘年四十餘以贊貢悅其文奇兄事  
之玘病痢其僕疫而死爲煮粥負之登廁一晝夜十數反玘病  
瘥同登進士語人曰玘四十前生我者父母四十後獻臣生我  
也在順德同年鄒智疏柄臣奸邪爲所陷謫石城吏日死廷舉

資之歸其喪於蜀倅成都梓其遺文好讀書無不窺索積至萬  
卷好文清反胡敬齋錄采其要言作詩倣陳白沙覽者見其志  
簡牘情理精切規人所不及無諛詞奏草煩悉剴當卒時年六  
十有六

侍郎崔銑曰銑平生頗識當世賢士大夫如吳公真才潔履厚  
行定方鮮儷也銑嘗謂之曰許友死未知公然否此外公優爲  
之嗟乎吳公衣食人廣惠矣妻子不能延朝夕服政四十年百  
痺九死皆歷之不能一月安於朝推下賢哲不憚屈已比卒未  
聞報德者孟子曰命也

獻實云余過蒼梧謁東湖書院已荒破羊豕羣遊其中問其家

書悉已散逸不存門戶蕭然益嘆吳公之賢也夫尚書官不小矣死不數年而家屢貧吳公之清操不虛聞哉彼美田宅以遺子孫者視吳公何如也廣西自洪武以來無登名臣錄者余錄吳公百粵之士觀者可以興矣

陳雍字希冉浙江紹興府餘姚縣人成化癸卯浙江鄉薦甲辰進士弘治戊申授工部營繕司主事修通州倉兼理張家灣磚料磚廠原在土橋改遷水次至今便之辛亥改刑部四川司主事檢引舊憲署篆平允遷署員外郎屢斷大獄司寇白昂戴珊謝綬咸器之甲寅六年考滿實授員外郎丙辰陞湖廣按察司僉事抵任不修邊幅人頗易之至常德府新舊詞訟煩殷剖決

皆盡五開衛與貴州黎平府同在一城及巡之夷民安堵至銅鼓衛宿雞不鳴相傳雞鳴則夷虜相殺地氣使然也至靖州按叅將胡澣貪狀呈撫按革之己未改巡荆 壽王之國送至嵐流驛盡境乃止有詩爲獻皆保國之言 王賢之宜都知縣以餽王爲名斂銀千兩乃竿間追銀送州公用餘物給散監利大盜黎彥斌父子五人出沒害人年久聞威自致於獄庚申奔父喪哀毀如禮癸亥服闋復除江西僉事允米吳城湖廣軍職念舊上司憚之禁戢軍士糧米有餘浮梁豪民欲改立縣治於景德鎮縣民不從生員六人赴省試宿於鎮盡殺之莫知爲誰又淮王府奉祠訂奏承奉舒方門正胡玉驤成大獄當道皆委鞠

雍分囚於異處因自審之不期而真情露犯者俱伏其罪甲子  
監秋試丁內艱歸戊辰服闋除山西僉事己巳陞布政司左叅  
議庚午陞按察司副使逆瑾峻法繩下獨無可指摘猶以他事  
三罰米壬申陞廣東按察司按察使大學士梁儲子次攄恃內  
閣勢謀產多殺平民言路發之 朝廷差給事中劉湜刑部郎  
中張文麟往勘顧望莫敢斷遂以委之雍檢舊案抵次攄罪如  
律人咸以爲宜廣寧沿海養鴨家必萬計殘所過田禾因而擄  
掠乃頒禁榜於各縣取廣州府鴨埠誌書焚之患始息甲戌陞  
河南右布政使簡重得大體乙亥陞貴州左布政使時有香鑪  
山剿賊之役設謀畫具糧餉遣吏兵以從有銀幣之賞丙子秋

八月陞都察院右副都御史撫治鄖陽乃從播州便道赴任值歲饑民皇皇思亂至則察奸貪撫人民飭兵備蓄糧儲修城池防盜賊興學校清獄訟地方以安漢中知府賈銓不法劾去之武當豪軍鄧璽等強橫不服乃聲言欲治以法已而叛息戊寅陞工部右侍郎兼都察院左僉都御史總督湖廣四川貴州三省採辦大木奉命奔走勞瘁弗恤已而大木萬數集於都下

賜大紅織金麒麟袍三襲已卯八月 乾清坤寧宮立賞銀二十兩絳絲一表裏辛巳 勅停止採辦工告成馳驛取還添註工部管事 世廟卽位遣大臣祭告宇內山川帝王之神領泰嶽太和山四川神木山之祭報厥成功刻祭文於碑乃推其功於

先任劉丙宜首加錄廢吏兵工三部議奏廢劉丙與雍各一子  
入監讀書又有白金綵幣之頒嘉靖癸未至京時兩京工作事  
興佐趙司空璜均節之易州柴炭厥缺官命攝之嚴辦納抑徼  
倖時不逞者騰謗議乙酉陞南京工部尚書而言官訕以厥中  
弊乃具本自辯復具疏乞休准致仕庚子年九十紹興知府湯  
紹恩奏請存問禮部查有淳安尚書胡拱辰蕭山魏尚書驥例  
奏奉賜羊酒着巡按御史及門存問仍月加食米二石歲撥人  
夫二名御史王紳奉勅過家舉壽觴建牌坊於眉山山東德縣  
曰德壽邇天語也尤強健步不用杖每以少年所作文論訓子  
孫以舊行政事告士夫壬寅十二月卒年九十三



張嶺字時峻號楓丘浙江紹興府蕭山縣人成化丁未登進士  
第弘治改元簡纂 憲廟實錄己酉八月知江西上饒縣性介  
直實心爲民不徼聲譽清節過人馬芻之費亦不取三年巡按  
御史韓明鄧輔交薦之明年春 欽取陞南京兵部車駕司主  
事初部屬謁內守備必長跽几章疏親錄之比至獨肅揖所錄  
皆不就遂以爲式嗣是內守備始不敢陵轢部屬庚申四月陞  
本司員外郎相繼丁內外艱墓有楓每攀號泣因號楓丘作楓  
丘子對以見志甲子三月服闋改南京刑部河南司員外郎乙  
丑十二月陞本部貴州司郎中時隆平侯張祐卒無嗣弟姪爭  
襲賂逆豎劉瑾囑之不阿徇正德戊辰三月出守興化瑾又饋

異香不報郡人戴大賓弱冠及第瑾欲奪其舊聘以弟之子妻之復以囑墳亦峻拒不許瑾怒遂撫隆平侯奪爵事已巳正月罷歸家居杜絕賓客餽粥不充鄉之人莫不呼爲張清官庚午八月瑾誅 詔復職辛未起守南雄期月卽擢江西右叅政民皆立祠於庾嶺下勒石於學宮癸酉七月蒞江右贊理軍政民務功蹟顯著甲戌正月 朝廷特加旌異勞以綵段羊酒尋遷右布政使乙亥轉左時寧藩宸濠潛蓄異謀多陰附之者如豕生象諷使稱賀羣議往焉乃以義折之事竟寢濠欲拓府居以擬大內創陽春書院以招逆黨奪官池以貽謀主一切拒之濠爲掣肘語於人曰病風子藩司災鼎建之費以鉅萬秋毫無犯

濠竭力鈎索之莫敢疵丙子秋出棘闈濠遣承奉劉吉饋以四  
果啓視之則棗梨薑芥也遂呼吉曰我知之矣是欲我早離江  
西界也吾恐臣子受命於 天子行止非人所能預濠聞之默  
然良久丁丑述職考復居最 賜宴內府位列天下方面第一  
濠忌膺要擢妨已賄置散地於是任南京光祿寺卿戊寅二月  
擢都察院右副都御史巡撫保定等府兼提督紫荆等關俗多  
閹宦乘法不少假借適 武廟西狩權豎江彬錢寧輩誅索郡  
邑一無所應凡統轄莫不安堵羣小怒之謀以擠貴卽移疾乞  
休明年南京巡江都憲劉玉奏曰近者寧藩首逆戕害撫臣原  
其不軌之圖蓋非一日之故竊 朝廷之法令以箝君子奪平

民之財利以網小人十數年來凡爲江西官員負直氣者無不被其中傷若先任巡撫都御史今致仕林俊先任布政使今致仕張嶺此則抑其非分見諸行事者也先任副使今充軍胡世寧先任御史今降職范輅此則糾其不法見諸章奏者也是數臣皆秉材勵節臨之患難凜然有松柏歲寒之姿委之事任隱然有虎豹在山之勢宜卽起用而不可緩者也浙江巡視都憲許廷光奏曰訪得張嶺清節剛風宏才遠識力抗濠瑾經折剴而操履彌堅心爲 國民歷中外而艱難弘濟況時方老練疾復痊平正宜報主於終身未可養高以玩世辛巳夏起都察院右都御史督兩廣軍務兼理巡撫 勅許便宜從事時上思州

土官黃鏐僭號不臣久矣 勅調三廣合剿以計擒之不煩寸  
兵 上以爲奇功復賜白金綵段新寧等縣嚴阮蔡猛三等據  
險不靖橫行竄南率兵征之平寨二百餘所斬獲二萬餘人捷  
聞降 勅獎勞賜有加又上抗賊江小范四等糾合安遠程  
鄉梁八 等萬山賴廉流劫漳泉遣兵與福建合兵平之三年  
歸善李 等招集奸宄流劫鄉村占奪田地委守巡道督兵俘  
斬一千一百三十二名顆地方悉平疏凡百上無不允行會謫  
言漸興具疏乞休不允甲申取掌南京都察院事復去廣士民  
感之廼立石於張文獻公祠乙酉五月蒞南臺總持風裁不激  
不撓內官黃玉博士徐江山御史譚魯守備舍人曹顯等有犯

皆以法治之無所顧避於是擠者日益衆十一月陞南京工部尚書適廣西土官岑猛伏誅兵部謂損先事疏其惡功不可泯奏聞 恩賜銀幣會廣東通番官豪陶鳳儀郭昇等以宿憾賂言者誣以輸官贓爲已有伺位者并擠之遂令行勘丁亥匹月致仕卒辛卯正月年七十有四居鄉出入不用輿馬馭鄉人如家人父子情意藹然接有司未嘗不以時政得失相規蕭山湘湖九卿民命所係尋侵沒於民歷陳當道恢復如初西江北海塘毛山開久圯山陰會蕭三縣歲罹水災愆惠修之民藉其利性剛方質直服用朴素不事華飾歷仕四朝居官四十餘歲計其所殖止足以自給而已

胡世寧字永清浙江仁和县人弘治癸丑進士嘉靖丁亥由南  
吏左侍郎晉南京工部尚書舊凡轉輸至者弗獲時納或候至  
數年乃使謂內監曰如更阻難當別有處耳蓋欲奏使徑輸京  
師免涉畱都也不數日納竟者五十餘輩又福建解至料銀幾  
二萬兩皆赦前已徵者也所司以時價不贖欲令加徵乃疏言  
各省未輸者盡聽蠲免而此解至反欲加徵情理豈堪得勿市  
料直輸其銀於京一省免重困焉是秋召爲左都御史 召道  
改刑部尚書用議者言特加太子少保仍左都御史掌院事歷  
太子太保兵部尚書詳兵部

高友璣字肅政浙江溫州府樂清縣人弘治庚戌進士除授南

京刑部主事歷員外郎郎中治獄詳明十六年擢守九江聲稱大起正德元年陞廣西右叅政管田州府事單車入田境審夷情向背待以懇誠又宣 朝廷德威示之順逆利害始土官岑猛入見猶擁兵自衛久之乃遂款效東身聽命乃立學訓士置堡伍聯其衆歸被虜男女以數百計田人帖服竟不煩兵三年事聞 朝廷宥猛且復其官因從友璣內地忤權倖意仍以知府調衛輝供應一切裁損請停黃河役寬負鹽禁衛人以甦五年陞江西左叅政尋轉山西按察使七年陞陝西右布政使八年擢右副都御史巡撫大同所至達政體赫赫有聲風采峻整貴倖數見裁抑十年坐是得禍降二級致仕後起爲兵備副使



丁外艱未赴十四年以薦起爲山東右叅政十六年轉福建右布政使本年召爲光祿寺卿嘉靖二年陞南京刑部右侍郎四年轉右都御史總督漕運討誅鹽徒渠惡若干人而招徠其衆革驛傳費宿弊一清六年進南京工部尚書友璣色溫禮恭而所守清約有古朴之風七年改南京刑部歷刑部尚書詳刑部

胡瓚字伯珩別號紫山直隸廣平府永年縣人登弘治癸丑進士明年授行人屢奉命冊封湖廣河南山西諸王至皆以謹廉稱庚申擢山東道監察御史乙丑查盤遼東尋丁外艱服闋復除福建道兼察御史出按關中持憲秉法風采凜然條陳多

見采納故事御史按事例一年歸逆瑾專政嫉瓚違已僞旨將累年符牒下諸省事未竣者皆令督上之遂畱陝二年始得代又追論遼東事罰米三百石五年瑾誅陞南京大理寺右寺丞九年陞大理寺右少卿十年陞左時武宗命太監蕭敬錄囚大理寺瓚時握篆遇有疑獄輒爲敬反覆辯之敬歸白上謂爲眞法司遂有寶鑑內醢之賜大司馬胡世寧初在江西疏逆濠異志逮繫獄倖錢寧脅刑官必坐以誣告親王罪至死瓚曰濠謀賴世寧以發而置之極刑何以服天下遂與輕比議上畱中衆謂不測不爲動後世寧竟得戍邊遼東瓚等但奪之俸丙子陞都察院左僉都御史巡撫大同興利革弊剔蠹除奸宗室

有貽毒地方疏其罪錮之高墻復上邊務六事其略原情罪以責戰守嚴事例以防推避體人情以省支費養間諜以資探報明賞格以激人心增兵備以專經略 上皆嘉納之庚辰 武宗幸大同虜大舉入寇督官軍與戰大破之 上賜璽書褒美及蟒衣三襲復推 恩任一子爲錦衣衛百戶以沙漠之地上不宜久留而扈從邊兵及諸從臣各怙寵大爲邊地害上疏極論請回 鑾至引漢袁盎諫文帝馳峻坂之論不報因乞休乃與告歸辛巳卽家起操江副都疏陳江洋事宜大略專委任明約束實軍伍示激賞處戰艦時操練 上皆從之嘉靖元年陞右副都御史癸未陞南京刑部右侍郎尋轉北京刑部甲申陞

戶部左侍郎乙酉大同卒亂戕害撫臣刼掠庫藏 朝廷命大臣撫之益驕恃 天子乃赫然震怒 勅提督軍務偕總兵官都督魯剛統兵往瓚曰此首惡數人耳豈宜濫及無辜吾惟殲厥渠魁當自定耳未至大同四十里駐兵授方略於羣將都督桂勇朱振由是首惡就誅地方悉平初 廟議涇涇謂終當禍國及瓚出關僅四十五日 還京 上嘉其功有白金綵幣羊酒之賜時有短於 上者乃自計處置事宜無踰於此不與辯第屢疏乞休 溫詔勉畱之初魏國有賜田山海撫寧諸縣幾千頃後讓歸官業已給民而定國孫光祚復請之乃謂撫寧逼近邊塞貧民世守之業軀命所關奪之恐生意外變由是

上卒不與戊子陞南京工部尚書奏裁內監局冗食工役之半履  
任九閱月致仕歸逾月以疾卒壽五十有九

章拯字以道浙江金華府蘭谿縣人弘治壬戌進士十八年授  
工部都水司主事正德四年降梧州府通判五年陞南京吏部  
稽勲司主事六年陞南京兵部武選司員外郎本年陞南京兵  
部車駕司郎中七年調兵部車駕司郎中陞廣東提學乙亥遷  
右叅政辛巳陞廣東右布政使嘉靖二年陞廣西左布政使本  
年陞都察院右副都御史撫治鄖陽地方三年改總理河道六  
年加工部右侍郎兼都察院右僉都御史仍舊任本年交代改  
命督顯陵工程八年陞南京工部尚書召改工部尚書見工

部

何詔字廷綸浙江紹興府山陰縣人弘治己酉領鄉薦丙辰釋  
褐授南京工部主事戊午護壽王之國諷貴璫減汰行舟二  
千省財可萬計己未監造海舸廉其宿逋每半給賁償感以誠  
欵不罰而事舉辛酉丁外艱哀毀特甚乙丑改工部營繕司督  
造孝皇帝山陵正德丁卯轉屯田員外郎進郎中不能爲蠅  
附力拒內庫虛出收單至忤逆瑾坐以他事下獄竟莫能害庚  
午出守永平值旱蝗躬禱山川理冤滯雨隨至蝗亦他徙民有  
賢明太守之稱他如反中官石姓之成獄平王宏之宿憾弭劉  
賊之侵掠却入覲之贖金皆守有定力不以利害易丁繼母憂

去位乙亥改永州府適彬桂用兵餽運不繼乃建言楚多害積  
可以銀易粟具而進兵率先擣賊巢撫還脅從全活甚衆時毛  
伯溫按湖南首薦其可大用陞俸一級庚辰叅廣西政剿平思  
州苗寇褒賜金繒嘉靖癸未轉福建右轄乙酉進拜中丞巡撫  
保定諸府提督紫荆等關振肅廢墜建明爲多有指揮通權以  
虐民達官倚公以冗食首請於朝一裁之以法會天災上疏  
引咎避位得旨慰畱尋召工部左侍郎會計悼靈皇后山  
陵及重造敬一箴亭亭成勅宴翰林與賜金幣得命修  
復會通河道至今省車輓之費已丑陞南京刑部尙書尋自刑  
部轉爲南京工部尙書首以太廟乃祖宗神遊之所亟會

題修理逾年告成。勅獎有加。逾明年城郭完。又明年宮垣費  
舍公署祠廟之葺具舉。初會計太廟工料可五六萬金。比詔  
取給於蘆課。缺官柴薪。取雜料於諸局。費財萬餘金。不一經民  
而足。初軍器局燬於火。每假錢廠造作。乃計價易寺人空第。不  
改榱瓦而成巨局。其因事就功。敏而練類如此。始至工部帑金  
不滿三千。閱五年經費之餘。乃踰二十萬人。咸謂其均委積汰  
冒濫所致。於事知大體。志在奉公。平生未嘗請託於人。亦不受  
人請託。情致坦然而其中耿不可奪。聲利澹然而名位日大。以  
事父母孝。處兄弟友。教子嚴。每遺書子。鰲以親賢遠利爲戒。迨  
其功成引齒。馳驛還鄉。家無贏貲。室無媵妾。廉靜之節始終一



致云歸明年爲乙未年七十有六卒贈太子少保鰲官至刑部  
尚書

蔣瑤字粹卿浙江湖州府歸安縣人弘治己未進士授行人十  
八年擢南京山西道御史正德四年改廣東道六年陞荊州府  
知府九年丁憂十二年補揚州府十六年陞陝西右叅政嘉靖  
二年陞湖廣右布政使三年陞江西左布政四年陞右副都御  
史巡撫河南七年改南院八年陞工部右侍郎本年轉左九年  
陞工部尚書十年加太子少保十一年丁憂十四年起南京工  
部尚書

國朝列卿紀卷之六十三終